



UNIVERSITÄTS-
BIBLIOTHEK
PADERBORN

Universitätsbibliothek Paderborn

Lignvm Vitae, Ornamentum, & Decus Ecclesiae

In Qvinque Libros Divisvm. In quibus, Totius Sanctiss. Religionis Divi Benedicti initia; Viri Dignitate, Doctrina, Sanctitate, ac Principatu clari describuntur: & Fructus qui per eos S. R. E. accesserunt, fuissimè explicantur

Wion, Arnold

Venetiis, 1595

Cardinales incertæ quoda[m]modo creationis. cap. VIII.

urn:nbn:de:hbz:466:1-38372

vnum conferamus, Monachisque, cæteros omnes, cuiuscumque status, uel professionis fuerint, connumeremus, dubio procul inueniemus omnes sic collatos numerum millesimum sexcentimum aut faltem septingentesimum non attingere. Quod si simul omnes à S. Petro, ad Clementem VIII. numerum 1700. non attingunt, solos Monachus Benedictinos duo millia perficere asseuerabimus? Turpissimæ igitur laudis mendaciæ notam cupientes effugere, numerum minorem ducentorum uidelicet Cardinalium, tanquam uerisimiliorem secuti sumus, quem etsi omnino non attingimus, exemplariorum & librorum copiâ destituti, ad metam tamen quam proxime peruenimus, aliisq; occasione dedimus reliquos perquirendi, qui à nobis non uoluntate, sed necessitate relicti sunt.

Cardinales incertæ quodammodo creationis. Cap. VIII.



OMNVS Arator, Italus, Monachus cuiusdam Monasterii, Ordinis (ut arbitror) S. Benedicti, Congregationis primæ, quæ Casinensis, siue Benedictina appellata est: deinde Subdiaconus, postea S.R.E. Diaconus Cardinalis; uir doctissimus, & Poeta Laureatus, Claruit paulò post tempora S.P.N. Benedicti, ab anno 544. ad 560. uel amplius. Scripsit omnium primus elegantissimo carmine, Epistolas duas, & Actus Apostolorum lib. 2. excusos Basileæ in 4. anno . . . cum reliquis ueterum poetarum operibus: & ibi item in 8. Lugduni in 16. Parisiis in folio.

ANNOTATIO.

Aratoris Monachatus in bibliotheca chronologica Philosophorum, his explicatur uerbis: Arator Italus Monachus, deinde Subdiaconus Romæ; scripsit carmine in Actis Apostolorum, &c. Dedicauit autè hunc suum Librum, Trittemio teste de script. eccles. cuidam Floriano Abbati, quem arbitror Abbatem eius fuisse, ordinisque Diui Benedicti, quod passim etiam ipso S. Benedicto uiuente, Monasteria tam in Italia, quam Gallia, & Sicilia, sub eius magisterijs instituebantur: ut clarum sit & manifestum, Sanctorum Mauri, Placidi, & Aurelij Cassiodori Abbatum, & aliorum illius temporis, uitas legentibus. Cardinalem fuisse Subdiaconum testatur Trittemius, loco citato: Diaconum uero, Supplementum Chronichorum lib. 9. & Marcus Guazzus in sua historia uulgari. Ex ratione temporum creatum putarem, à Vigilio Papa, uel certè, ab eius successore Pelagio.

S. GRE-

S. GREGORIUS, Anicius, Frangipanis, Gordiani Senatoris filius, Romanus, Monachus, & Abbas Sancti Andreae Romæ, ordinis S. Benedicti, Congregationis primæ Benedictinæ, seu Casinensis, S. R. E. Archidiaconus Cardinalis, & Apocrifarius ad Mauricium Imperatorem, à Pelagio II. Papa factus; anno Christi 582. Post Gregorius Papa, huius nominis primus. *Tritemius lib. 4. cap. 22. Huius creationem alij ut Panvinus in Epitome, ad Pelagium II. alij, ut Sigonius de regno Italiae lib. 1. ad Benedictum I. referunt.*

S. PETRVS, Romanus, Monachus S. Andreae Romæ. Ord. S. Ben. Congreg. primæ Casinensis, S. R. E. Diaconus Cardinalis, à S. Gregorio PP. factus anno Domini. Obijt anno 605. in ipso Anniuersario S. Gregorij Papæ, die 12. Martij. *Petrus Bugianus in hist. Monast. & alij recentiores.*

S. BONIFACIUS Ioannis Medici filius, Valerienensis, Marfus, Monachus Monasterij S. Sebastiani in urbe Roma, Congregationis primæ Benedictinæ, S. R. E. Presbyter Cardinalis: postea Bonifacius Papa IIII. *Panvinus in utroque chronico, de Cardinalatu: Tritemius lib. 4. cap. 3. de Monachatu.*

S. ADEODATVS, Iouiani filius, Romanus, Monachus Monasterij Sancti Erasmi in Cælio Monte, S. R. E. Presbyter Cardinalis, & post modum Pontifex Romanus creatus est. *Panvinus in utroque chronico.*

S. AGATHO, Pannonij filius, Siculus, Panhormitanus, Monachus S. Hermetis Panhormi, Ord. S. Bened. Congregationis Siculae, quæ à S. Placido Abbate & martyre instituta est, S. R. E. Presbyter Cardinalis: postea Papa. *Panvinus in Epitome.*

S. GREGORIUS, Marcelli filius, natione Italus, patria Romanus, Monachus Ord. S. Bened. Congregationis primæ Casinensis, & S. R. E. Diaconus Cardinalis, à Papa Constantino factus: demum Papa Gregorius huius nominis secundus. *Panvinus in epito. de Cardinalatu, de eius Monachismo egimus in tractatu de Summis Pontificibus.*

S. ZACHARIAS, Polichronij filius, Græcus, Monachus, Ord. S. Ben. Cong. primæ Casin. ac S. R. E. Presbyter Cardinalis, postea Papa. *Panvinus in chron. Pont. Roman. & nos item Monachum fuisse ostendimus in tractatu Summorum Pontificum.*

S. STEPHANVS, Constantini filius, Romanus, Monachus Casinensis, & S. R. E. Diaconus Cardinalis à Zacharia Papa factus, postremo Papa Stephanus III. dictus II. *Panvinus in epitomis, & Alphonsus*

phonsus Ciacon de perp. eccles. Pontif. MS. de Cardinalatu: nos de Monachatu egimus in Pontificibus.

D. ANASTASIUS Monachus Monasterij Casinensis, & S. R. E. Cardinalis Bibliothecarius, creatus (in quantum colligere licet) à Stephano Papa III. dicto II. Floruit anno Domini 754. scripsit nonnulla inter quæ vidi.

Historiam de Translatione partis Reliquiarum S. P. N. Benedicti, & sororis eius Scholasticæ, tali Exordio, Beatissimus Pater Benedictus, lib. I. Hæc est Casini, & apud me, MS.

ANNOTATIO.

Archidia Montis Casini, Monachum illius Monasterij suis confirmant, Cardinalem vero, coniectura ducimur uerborum illorum, S. R. E. Bibliothecarij, quæ in principio Libri sui leguntur: non enim illo tempore ad illud officium assumebantur, nisi qui S. R. E. Cardinales forent.

D. PHILIPPVS, natione Italus, patria Romanus, Monachus & Abbas S. Viti Romæ, Ord. S. Ben. Cong. I. Cal. & S. R. E. Presbyter Cardinalis: demumque in schismate contra Constantinum II. Papa à nonnullis Clericis, & Laicis creatus. Paninus in utroque Chronico, & Epitome, de Cardinalatu, & Monachatu.

S. STEPHANVS, Olibrij filius, natione Siculus, patria Siracusanus, Monachus, & Abbas S. Chrisogoni Romæ, Ordinis S. Benedicti Congregationis primæ, quæ Casinensis appellata est, ac S. R. E. Presbyter Cardinalis tituli Sanctæ Cecilie à Paulo Papa factus: demum Papa Stephanus III. dictus III.

ANNOTATIO.

Creatus refertur à Platina in eius vita, & Tritemio lib. 4. c. 6. & 24. à Zacharia Papa; à Panino vero in utroque Epitome à Paulo. Et certe in rerum tanta ambiguitate, quem sequendum dum hæsitavimus Panini tandem opinio prævaluit, arbitramur enim Platinam, eiusque sequentem Tritemium ex æquiuocatione nominis Stephani, unum pro altero accepisse; maxime cum uterque à diuersis tertius huius nominis uociretur, ea ratione, quod Stephanus secundus qui tertio Pontificatus sui die mortem obiit, à quibusdam inter Pontifices numeretur, ab alijs uero minime: cuius sententiæ cum essent Platina & Tritemius hunc Stephanum III. quem ipsi III. nominant à Zacharia Papa creatum putarunt. Panini partes tuetur, & Alphonsus Ciacon de perpetuo ecclesie Pontificatu. MS.

S. PASCHALIS, Maximi filius, Romanus, familia Bonofa, Monachus, & Abbas S. Stephani, iuxta Sanctum Petrum Romæ,

M Ord.

Ord. S. Ben. Cong. i. Casinensiac S. R. E. Presbyter Cardinalis tituli S. Praxedis, à Leone Papa III. factus: postea Papa Paschalis huius nominis primus. *Panvinus in utroque Chronico, & Epitome.*

S. GREGORIUS, Ioannis filius, Romanus, Monachus Fosse nouæ, iuxta Taracinam Campaniæ (in quo Monasterio postea S. Thomas Aquinas obiit) Ord. S. Ben. Cong. i. Cas. ac. S. R. E. Presbyter Cardinalis, tituli S. Marci, à Leone Papa III. factus: postremo Papa Gregorius III. *Platina in eius uita, & Panvinus in utroque Chronico & Epitome, Cardinalem fuisse probant, nos uero Monachum in tractatu de Summis Pontificibus.*

D. ANASTASIUS, Romanus, Monachus & Abbas Ordinis S. Benedicti Cong. Specuensis. S. R. E. Presbyter Cardinalis tituli S. Marcelli, & Bibliothecarius, à Gregorio Papa III. creatus: postmodum anno Domini 850. in Synodo Romana, a Leone Papa III. priuatus est, quod ecclesiam suam contra canonum decreta, per annos quinque deseruisset. Cum esset vir doctissimus, plura ingenij sui Monumenta reliquit, inter quæ

Continuationem Historiæ Pontificalis Damasi Papæ ab eius obitu, vsque ad Adrianum Papam II.

Transtulit item e græco in latinum sermonem, Vitas Sanctorum, Ioannis eleemosinarij, Demetrii martyris, & aliorum Patrum.

Vnam Dionysij hierarchiam: septimam synodum, & alia plura.

ANNO TATIO. *Platina in uita S. Leonis Papæ III. agit de Cardinalatu, Panvinus in Chronico Ecclesiastico de Monachatu, & officio Bibliothecarij: Et quamuis Platina nihil de utroque agat, ex coniectura tamen eundem esse cum Anastasio à Leone 4. priuato, omnino putamus, nam ratio temporum non sinit esse diuersos. Meliora proferentibus libenter sententiam commutabimus.*

B. HVMVLARIUS, Portunatus, Germanus, Monachus Luxoniensis in Burgundia Ord. S. Ben. sub Congregatione S. Mauri, & Archiepiscopus Treuirensis, S. R. E. Cardinalis à Gregorio Papa III. factus anno Domini 829. Obijt anno 833.

ANNO TATIO. *Tritemius de uir. ill. Ord. S. Ben. lib. 4. c. 82. & libro de script. eccles. ubi de eius Cardinalatu agit dicit obiisse anno Domini 813. sub Ludouico Imperatore; sed cum eo anno Ludouicus, nondum esset Imperator patre suo Carolo Magno adhuc uiuente, manifestum est mendum in impressione latere, maxime cum lib. 2. c. 43. de uir. ill. Ord. S. Bened. sententiam suam*

suam retractans, anno 830. claruisse, non autem obiisse, refert, quem sequitur, & Franciscus Belforesius in Cosmographia sua, ratioque temporum id iudicat, missus enim fuit legatus Constantinopolin à Ludouico Pio Imp. ad Michaëlem cognomento Thraulum, qui anno 820. imperare cepit. Fortasse ex librorum incuria in Trittemio pro 33. quo anno obiisse à nonnullis memoratur, 13. adiunctum est, quod facilis sit lapsus unius numeri in alium. Errorem Trittemij sequitur Bugianus noster colloquio quarto. De nominis sui Hamularij.

S. LEO, Rodulphi filius, Romanus, Monachus Sanctorum Siluestri, & Martini Romæ; Ord. S. Ben. Cong. 1. Caf. & S. R. E. Presbyter Cardinalis, tituli quatuor Coronatorum, à Sergio Papa II. factus; postea Papa Leo III. Platina in eius uita, & Panuinus in Epitomis de Cardinalatu, in Chronicis autem, cum Martino Polono. lib. 4. de Monachatu item.

D. IOANNES Rampoaldi filius, Romanus, Monachus Monasterij S. Benedicti Tiburti, Congregationis primæ Benedictinæ; S. R. E. Diaconus Cardinalis: postea Ioannes Papa IX. Panuinus in utroque Chronico.

D. THEODALDVS, Monachus cœnobij Casinensis, S. R. E. Episcopus Cardinalis Albanus, à Ioanne Papa, XVI. anno Domini 995. factus: F. Alphonsus Ciacon de perpetuo ecclesiæ Pontificatu nondum tamen excuso.

D. IOANNES, Gregorij filius, & Benedicti Papæ VII. Frater, Romanus, ex Comitibus Tusculanis, Monachus S. Anastasij Romæ, S. R. E. Episcopus Cardinalis Portuenfis: postmodum Ioannes Papa XIX. Cum in tractatu de Summis Pontificibus ex Plata, & alijs demonstrauerimus hunc ex Monacho Pontificem creatum, ad eum locum Lectorem remittemus.

Cardinales à Leone Papa Nono creati, id est à certo Pontifice. Cap. IX.

DOM. HILDEBRANDVS, Bonicij filius, natione Tuscus, patria Soanenfis, ex nobilissima familia Comitum Pitigliani & Soaniæ, olim Monachus, & Prior Claustralis Monasterij Cluniacensis prope Matisconem in Burgundia, quod cœnobium caput erat illius Congregationis, Cluniacensis nuncupata: & postea Abbas S. Pauli extra Urbem, uia Ostiensi, Ordinis S.

M 2 Benedicti,